

wenn es halb eingesotten / so geus die Suppe ein  
 teil davon / vnd nim dargegen so viel Wein /  
 Schneide 4 oder 6 Lemonien / darnach sie gros  
 sind / vnd man derer gerne viel haben wil / zu klei-  
 nen runden schnitzlein / vnd thue sie dran / schütte  
 viel kleine Rosinlein darzu / Würke sie mit Zim-  
 met / Ingwer / Zucker / Muscatenblüet / vnd  
 Saffran bis es gelbe gnung wird / las es denn  
 wieder sieden / vnd wenn man es anrichtet / so  
 strewe Zimmet vnd Zucker darüber / so ist es  
 gut.

### Hünner anders gut einzu- machen.

**W**enn die Hünner fein rein gemacht / vnd  
 fast mürbe gekocht sein / so geus ein wenig  
 Brüe davon / vnd thue dargegen ein gut  
 teil Wein dran / saltze es ein wenig / vnd thue ein  
 stücklein frisch Schmalz darzu / weiche denn  
 Brosamen von Semmeln in die abgegoßne  
 Brüe / Nim darnach die Leber von der Hennen /  
 vnd